

Høring av verneplan for skog

Skriufjellet naturreservat, Seljord kommune



Utsikt frå området mot Seljordsvatnet

Foto: John Gunnar Brynjulvsrud

Statsforvaltaren i Vestfold og Telemark
Oktober 2024

Innhald	side
1. Bakgrunn.....	3
2. Om verneplanarbeidet og frivillig vern.....	3
3. Heimelsgrunnlag.....	3
4. Saksgang og innkomne merknader.....	4
5. Verneplanens omfang.....	6
6. Faktaark.....	7
7. Forslag til verneforskrift.....	11

Vernekart er lagt ved høringa som eige vedlegg.

1. Bakgrunn

Statsforvaltaren i Vestfold og Telemark sender med dette på høyring forslag til vern av eit område kalla *Skriufjellet* i Seljord kommune. Skriufjellet ligg på nordsida av Seljordvatnet. Bakgrunnen for forslaget er eit tilbod frå fem private grunneigarar om frivillig vern av skog. Tilbodet kom inn 26. januar 2021 frå AT skog.

Området vart kartlagt hausten 2022 og har kvalitetar som kvalifiserer til vern etter naturmangfoldloven.

2. Om verneplanarbeidet og frivillig vern

Meld. St. 14 (2015 – 2016) *Natur for livet* legg opp til ei vidareføring av det langsiktige arbeidet med skogvern, under dette auka frivillig skogvern. Under handsaminga av meldinga bad Stortinget regjeringa setja mål om vern av både offentleg eid skog og frivillig vern av privateigd skog til 10 % av skogarealet i landet.

Naturfaglege evalueringar som ligg til grunn for prioriteringane i skogvernarbeidet er «*Evaluering av skogvernet i Norge*», NINA rapport 54/2002, «*Naturfaglig evaluering av norske verneområder*», NINA rapport 535/2010 og «*Evaluering av norsk skogvern i 2016*», NINA rapport 1352/2017. Dette arbeidet er samtidig eit viktig bidrag til å nå [FNs bærekraftsmål 15](#) som har som mål å verna, gjenopprette og fremja berekraftig bruk av økosystem, sikra berekraftig skogforvaltning, nedkjempe ørkenspreiing, stansa og reversera landforringing og dessutan stansa tap av artsmangfald.

Ved frivillig skogvern gir grunneigarane Statsforvaltaren tilbod om vern av aktuelle område. Det blir gjort naturfaglege registreringar og utarbeidd skogtakstar for dei områda der det er behov for det. På grunnlag av tilbod og dei naturfaglege registreringane utarbeider Statsforvaltaren forslag til avgrensing av verneområdet. På grunnlag av tilbod og mal for verneforskrift for naturreservat utarbeider Statsforvaltaren forslag til verneforskrift som blir oversend grunneigarane for kommentarar. Miljødirektoratet oppnemner ein skogsakkyndig som får i mandat å forhandla med grunneigarane eller representanten til grunneigarane. Ved semje blir det utarbeidd avtale der erstatningssum, forslag til verneforskrift og avgrensing av verneområdet blir avklart.

Det vanlege er at når staten og grunneigar er samde om desse punkta vil området gjennomgå vanleg sakshandsaming i tråd med naturmangfaldslova. Etter avtale med grunneigar kan melding og høyring av verneforslag likevel blir gjennomført før avtale er signert. Frå avtaletidspunkt og fram til vernevedtak gjeld ei vederlagsordning. Utbetaling av erstatningsbeløp skjer når vernevedtak er fatta.

3. Heimelsgrunnlag

Vern av spesielle område eller førekomstar skjer i medhald av lov 16. juni 2009 om forvaltning av mangfaldet til naturen (naturmangfaldslova) jf. §§ 33 – 51. I naturmangfaldslova er det gitt heimel for oppretting av ulike vernekategoriar. Vernekategorien naturreservat, som er det strengaste vernet etter naturmangfaldslova, jf. § 37, vil bli bruka for denne verneplanen for skog på privat grunn.

Vedtak om skiping av naturreservat blir gjort av Kongen i statsråd etter § 37 i naturmangfaldslova, som lyder slik:

” *Som naturreservat kan vernes områder som*

- a) inneholder truet, sjelden eller sårbar natur,
- b) representerer en bestemt type natur,
- c) på annen måte har særlig betydning for biologisk mangfold,
- d) utgjør en spesiell geologisk forekomst eller
- e) har særskilt naturvitenskapelig verdi.

Som naturreservat kan også vernes et område som er egnet til ved fri utvikling eller aktive gjenopprettingstiltak å få verneverdier som nevnt i første ledd.

I et naturreservat må ingen foreta noe som forringer verneverdiene angitt i verneformålet. Et naturreservat kan totalfredes mot all virksomhet, tiltak og ferdsel. I forskriften kan det gis bestemmelser om vern av kulturminner i reservatet.

Treffes vedtak om reservat som krever aktive gjenopprettingstiltak, eller vedtak om reservat der bruk er en forutsetning for bevaring av det biologiske mangfold, skal det samtidig med vernevedtaket legges fram et utkast til plan for skjøtsel for å sikre verneformålet. Planen kan omfatte avtale om bruk av arealer, enkeltelementer og driftsformer. Planen eller avtalen kan inneholde bestemmelser om økonomisk kompensasjon til private som bidrar til områdets skjøtsel.”

4. Saksgang og innkomne merknader

Formell start på verneplanarbeidet vart meld av Statsforvaltaren 19. mai 2023, og frist for innspel var 5. juli 2023. Det vart meld oppstart for 17 område samtidig og det kom inn totalt 11 merknader. Det er sju innspel som er knytt til området Skriufjellet:

Språkrådet (brev dagsett 1.6.2023) uttaler følgjande:

«Skriufjellet, Seljord kommune. Ingen merknader. Namnet høver på området, og Skriufjellet er einaste godkjente skrivemåte for naturnamnet i SSR».

BaneNor (brev dagsett 14.6.2023) uttaler følgjande:

«Vi viser til varsel om oppstart av verneplanprosess, datert 19.05.2023. Ingen av verneområdene berører jernbanens interesser og vi har derfor ingen merknader».

Forsvarsbygg (brev dagsett 23.06.2023) uttaler følgjande:

«Vi viser til brev 19. mai 2023 med melding om start av verneplanprosess for frivillig vern av skog for 17 områder i kommunane Bamble, Fyresdal, Holmestrand, Tønsberg, Kviteseid, Midt-Telemark, Nissedal, Notodden, Seljord, Tinn og Tokke. Forsvarsbygg gjev høyringssvar i slike saker med det utgangspunktet å ta vare på Forsvaret sine arealbruksinteresser.

Vi ser foreløpig ingen konfliktar med det føreslåtte verneområdet. Vi ber likevel om at de tek naudsynte unntak for militær operativ verksemd inn i forskrift til verneplanen. Vi ber òg om at det særskilte unntaket for avgang og landing med Forsvaret sine luftfartøy vert tatt med i forskrift, for å ivareta omsynet til militær luftoperativ verksemd. Vi har ingen ytterlegare merknader til verneframlegget».

Direktoratet for mineralforvaltning (DMF) (brev dagsett 30.06.2023) skriv mellom anna:

«Direktoratet for mineralforvaltning med Bergmeisteren for Svalbard (DMF) viser til ovannemnde sak, datert 19. mai 2023.

...

Branås, Eidsbøgleivae – Gjuvstøvli, Heggeneset, Jønjlilio, Mørkvassjuvet, Omnflug, Skriufjellet, Skuleholmfjellet, Stormyråsen, Storås, Tjuvberget, Øverland og Ånås. DMF kan

ikkje sjå at det føreslegne vernet kan få følgjer for registrerte førekomstar av mineralske ressursar, bergrettar eller masseuttak i drift innafor desse områda. Her har vi derfor ingen merknader».

Naturvernforbundet i Øst-Telemark (e-post med vedlegg sendt 05.07.2023) uttalar følgjande:

«Vi er positive til at flere verdifulle skogområder i Notodden og Tinn vernes. Det er spesielt gledelig at det kommer inn gode tilbud fra skogeiere rundt Follsjå, et område vi har hatt fokus på, og der det har vært god dialog med skogeierne. Samtidig er vi opptatt av at det er de viktigste områdene som må prioriteres først, spesielt nå i en situasjon der det er begrenset med midler og lang kø av vernekandidater. Vi er også opptatt at grensene for verneområdene trekkes slik at de fanger opp verneverdiene på en helhetlig og god måte. Det er særlig områder i lavlandet og andre typer som har lav dekning av vern som vi ønsker å ha et spesielt fokus på».

Naturvernforbundet har spesifikke kommentarar til nokre områder, men Skriufjellet er ikkje bland desse.

Norges vassdrags- og energidirektorat NVE (brev dagsett 05.07.2023):

«NVE har sett gjennom meldingen for de foreslåtte verneområdene med tanke på energi- og vassdragsinteresser som eksisterende og planlagte energi- og nettanlegg, vannkraftverk, hydrologiske målestasjoner m.m. Vi vil bemerke at det er viktig at denne type saker underlegges grundige saksbehandlingsprosesser og at alle involverte interessenter gis anledning til å uttale seg.

Så langt NVE kjenner til er det ingen energi- og vassdragsinteresser i det foreslåtte verneområdet Skriufjellet. Telemark Nett AS har områdekonsesjon».

Landbruksdirektoratet (brev dagsett 24.07.2023) ber om at det av høyringsdokumenta må kome fram korleis områda vert bruka i landbrukssamanheng, og at omsynet til dette må bli ivaretatt i verneforskriftene. Dei peikar spesielt på gjennomgåande vegar, stølar, beitebruk og reindrift. Statleg og kommunal landbruksforvaltning bør bli involvert i verneprosessen, uttalar direktoratet.

STATSFORVALTARENS KOMMENTARER TIL DEI INNKOMNE MERKNADENE

Når det gjeld merknaden frå Forsvarsbygg, så vil vi kommentera at det er teke omsyn til unntak for militær operativ verksemd og omsynet til militær luftoperativ verksemd i § 6, første ledd og § 6, bokstav c.

Når det gjeld uttalen frå Landbruksdirektoratet, så vil vi kommentere at det i området kun finst eit eldre sel (enkelt ly for husdyr) i området. Dersom det skulle vera aktuelt med beitedyr her er det teke høgde for det og dei andre innspela i verneforskrifta, jf. § 4 bokstav g, § 6 bokstav a, § 7 bokstav e og f.

Andre utsegn blir tekne til etterretning.

Vidare sakshandsaming

Verneforslaget med områdeskildringar, kart over verneområdet og forslag til verneforskrift blir sendt på ein felles sentral og lokal høyring med **frist 20. desember 2024**. Målet med høyringa er å få fram opplysningar om interesser som kan bli ramma av den planlagde fredinga.

Etter høyring vil Statsforvaltaren oppsummera høyringa, kommentera eventuelle utsegner og utarbeida ei tilråding om vern til Miljødirektoratet. Miljødirektoratet vil deretter utarbeide innstilling til Klima- og miljødepartementet (KLD) og vedtak om freding blir gjort ved kgl. Res. av Kongen i statsråd.

5. Verneplanens omfang

Namn	Kommune	Tal på grunneigarar	Totalareal	Verneverdi
Skriufjellet	Seljord	5	840 dekar	Nasjonal (***)

6. Faktaark

LOKALITET:	Skriufjellet
KOMMUNE:	Seljord
FYLKE:	Telemark
VERNEKATEGORI:	Naturreservat
AREAL:	840
HØYDE OVER HAVET:	M.o.h. 190- 574
EIENDOM:	Gnr./bnr.: 8/1, 9/1, 9/2, 9/3,13 og 9/8

OMRÅDESKILDRING

Fem grunneigarar har kome med tilbod om vern av eit område som ligg på nordsida av Seljordsvatnet – ca. 15 km søraust for Seljord sentrum. Området ligg i den bratte lisida over grenda Vefald. Skriufjellet omfattar i hovudsak bratte sørvendte lisider, hyller og flater. Store deler av området omfattar skredmark og ur, men delar av området er og skogkledd. Det er stor variasjon både i topografi, bonitet og treslagssamansetning.

Noreg er delt inn i sju bioklimatiske seksjoner der tilbodsområdet ligg i overgangsseksjonen kalt OC. Vegetasjonssonane femnar sørboreal, boreonemoral og nemoral. Kart frå Norges geologiske undersøkelse (NGU) syner at området inneheld kvartsitt, ryolitt og metabasalt.

Området er kartlagd for naturtypar etter metodikk DN håndbok 13 (Edwardsen 2004). I 2022 vart det gjennomført ein Natur i Norge (NiN) kartlegging av Biofokus. Både kartleggingar er skrivne på bokmål frå kartleggarane sin side, og vi har ikkje endra dette til nynorsk. All tekst i dette kapitlet, utanom det vi har lagt til, er difor på bokmål.

VEGETASJON, SKOGSTRUKTUR OG PÅVERKNAD

I de høyereliggende områdene, samt i områder i nordvest dominerer fattig gammel granskog, eller eldre og gammel furuskog. En stor del av granskogene har rikelige forekomster med dødt virke, samt god spredning i nedbrytningsstadier, og gammelskogsarter rosenkjuke (NT) og rynkeskinn (NT) forekommer vanlig.

I områdene rundt Kloppsteinfossen er skogen tydelig fossesprøyt/-støv-påvirket, og her finnes store populasjoner med mjuktjafs (VU) i granskogen. I den gamle furuskogen er det i partier forholdsvis mye dødt virke, og her forekommer arter som tyrinål (NT), blanknål (NT) og furustokkjuke (NT). Elva som renner gjennom Kloppsteinsfossen og Vefallfossen har i partier bekkeløftkvaliteter, og i flere små partier langs vannstrengen forekommer mye dødt virke.

I det meste av de øvrige lisidene er treslagssammensetningen variert og store deler kan best beskrives som blandingsskog, men det forekommer også en god del arealer med klar dominans av bartrær eller edelløvtrær. I disse arealene dominerer rik vegetasjon, dels tørkeutsatt, og mye av området er tydelig tidligere kulturpåvirket. Her forekommer bl.a. gamle høstingsskoger og spredte engflekker, og urterik vegetasjon preger mye av lisidene. Her vokser bl.a. søstermariland (VU), flekkgrisøre (NT) og åkermåne (NT), og apollosommerfugl (NT) er kjent fra området. Deler av edellauvskogen omfatter grove til svært grove individer av bl.a. eik og lind, også gamle lindeknoller, men grov ask, samt enkelte grove osp forekommer også i disse skogene. Søyleiner finnes spredt i det meste av området. På eik er bl.a. blomsterstry (VU) og eikedynekjuke (VU) påvist.

I nedre deler av området er skogen gjennomgående yngre, men eldre individer av bl.a. lind, ask, bjørk og osp forekommer spredt. I nedre deler finnes også partier med grov granskog med rikelige forekomster med dødt virke på lågurtmark.

Inkludert ask, alm, lind og gaupe er 33 rødlistede arter registrert i området. Det antas å være videre naturkvaliteter særskilt for insekter knyttet til rike sørvendte skoger med mye dødt virke og hule trær, samt knyttet til solvarme furudominerte skoger. Det forventes også ytterligere kvaliteter for krevende vedboende sopp i virkesrik granskog, og markboende sopp på lågurtmark.

VERNEINTERESSER

I området forekommer flere rødlistede naturtyper. Lågurtedellauvskog (VU) forekommer i større arealer samt som spredte partier i lavereliggende lisider, i mindre grad forekommer også frisk rik edellauvskog (NT). Kalk- og lågurtfuruskog forekommer spredt i lisidene. Fosseberg (VU) forekommer i små partier. Skogegenskap kalkrik mosaikk. Det er kartlagt ett område som kartleggingsenhet “lyng-lågurtskog”, fem som “bærlyng-lågurtskog”, ett som “svak bærlyng-lågurtskog” og tre som “lågurtskog”.

I henhold til mangelanalysen for skogvern (Framstad mfl. 2017) fyller lisidene regionale mangler knyttet til alm-lindeskog, rik blandingskog i lavlandet, gammel granskog, gammel furuskog og bekkekløfter. Området ligger snaut 400 m fra naturreservatet Hønsejuvet, og samme avstand fra verneforslaget Heggeneset. Scoringsverdi er 5,83 som er fordelt på Naturgitt mangfold 2,5 og Naturskognærhet 2,33.



Også varmekjære treslag som eik finst i området. Foto: Biofokus, John Gunnar Brynjulvsrud

FØREMÅL

Føremålet med naturreservatet er å verne eit område i låglandet som representerer bestemte typar natur i form av kalk- og lågurtfuruskog, lågurtedellauvskog, frisk rik edellauvskog, fosseberg og bekkekløft. Området har særskild betydning for biologisk mangfald på grunn av styvingstre, gammal skog med mykje daud ved, samt sjeldne og trua artar av karplantar, sopp, mose, lav og insekt.

ANDRE INTERESSER

Sjå under tekniske inngrep.

TEKNISKE INNGREP

Det er få tekniske inngrep av nyare dato, mest gamle hestevegar. På gnr./bnr. 9/8 er det eit sel i Nautefjellet. Bygningsmessig består dette av eit eldre skjul for husdyr.

PLANSTATUS

Verneforslaget ligg innanfor område avsett til LNFR (natur- og friluftsområdet i landbruks-) formål.

MERKNADER

Det kan på sikt bli aktuelt å vurdere skjøtsel av styvingstre og fristilling av store tre av eik og lind. Ein må i så tilfelle utarbeide ein skjøtelsesplan for dette.

SKOGBRUKSOPPLYSNINGAR

Tabellen viser skogbruksdata for tilbodsområdet.

Namn	Total-areal	Produktivt areal i daa				Anna areal i daa				Tilvekst	Volum
	daa	H (20-23)	M (14-17)	L (6-11)	Sum	Myr	Snauffjell	Vei	Imp.	m ³ /daa	m ³
Skriufjellet	840	43	364	347	754	0	11		75	180	

Skogdataene er levert av AT skog.

LITTERATUR

Edwardsen E. 2004. Viktige naturtyper i Seljord kommune

<https://nin-faktaark.miljodirektoratet.no/prosjekt/?id=B19C6DFE-1DBF-47D7-97AF-DA1662618963>

Naturbase: <https://www.miljodirektoratet.no/tjenester/naturbase>

Artskart: <https://artskart.artsdatabanken.no/>

7. Forslag til verneforskrift

Kommentarar til forskrifta

Bruk av naturreservatet til idrettsarrangement eller andre større arrangement er forbode.

Definisjon på større arrangement har tidlegare vore om lag 30 deltakarar. I samsvar med den nye malen for forskrifter frå Miljødirektoratet er det ikkje gitt nokon eksakt definisjon på kva som blir rekna som større arrangement. Både type arrangement og tal deltakarar kan ha betydning. Som utgangspunkt vil idrettsarrangement og konsertar – eller liknande - bli omfatta. Føresegna er ikkje meint å regulere ordinær turverksemd i grupper, og felles turar og felles treningar med vidare blir dermed ikkje omfatta av forbodet. Utsetting av turposter og liknande blir heller ikkje rekna som arrangement, men kan rammes av forbodet mot midlertidige innretningar. Forskriftsmalen har i § 7 ein særskilt føresegn om dispensasjon som opnar for å gi løyve til aktivitetar nemnd i denne. Ut frå verneformålet for det enkelte området kan det vurderast konkrete unntak eller tilpassingar til disse føresegnene, for eksempel særskilt unntak for turorienterings- eller kjentmannspostar. Er det fleire deltakarar må det søkjast om dispensasjon, og da kan forvaltningsstyremakta vurdere dette i samsvar med til § 7 bokstav f.

Merking, rydding og vedlikehald av eksisterande stiar

Vedlikehald som rydding av kvist og fjerning av greiner og nedfall i stiar og vegar kan gjerast utan søknad. Vindfall som måtte bli liggjande over stiar kan kappes og leggst til side, normalt vil dette kunne gjerast av grunneigar eller oppsyn. Det kan etter søknad gjevast dispensasjon etter § 7 bokstav e til rydding og vedlikehald av nye stiar og løyper. Dette er ein standard regel vi har med i alle verneforskrifter, og som kan nyttast dersom det viser seg å vera stiar ein *ikkje har kjent til* ved vernet.

Motorferdsel

Motorferdsel er forbode etter § 5 bokstav a. Det er nokre generelle unntak i § 6 og det kan gjevast dispensasjon etter søknad etter reglane i § 7. I tillegg gjeld lov om motorferdsel i utmark, det vil seia at kommunen og grunneigar må gje løyve til motorferdsel på vanleg måte.

Bruk av sykkel, hest og riding

Friluftsløven opnar for sykling, riding og anna bruk av hest på veier og stiar i utmarka. I høyringsforslaget vil vi følgje friluftsløvens føresegn. Jf. føresegnet i § 5 bokstav b.

Brenning av bål

Det er vanleg at det er opna for brenning av bål i store reservat (grense på om lag 700-1000 daa). Ein må då nytte tørrkvist eller ved ein har med seg, ein kan ikkje felle eller hogge opp daude tre

Forslag til forskrift om vern av Skriufjellet naturreservat, Seljord kommune, Telemark

Fastsett ved kongeleg resolusjon ... med heimel i lov 19. juni 2009 nr. 100 om forvaltning av naturens mangfold (naturmangfoldloven) § 34 og § 62 [og § 77]. Fremja av Klima- og miljødepartementet.

§ 1 Føremål

Føremålet med naturreservatet er å verne eit område i låglandet som representerer bestemte typar natur i form av kalk- og lågurtfuruskog, lågurtedellauvskog, fosseberg og bekkekløftar.

Området har særskild betydning for biologisk mangfald på grunn av styvingstre, gammal skog med mykje død ved, samt sjeldne og trua artar av karplantar, sopp, mose, lav og insekt.

Det er ei målsetjing å behalde verneverdiane i mest mogleg urørd tilstand, og eventuelt vidareutvikle dei.

§ 2 Geografisk avgrensing

Naturreservatet omfattar følgjande gnr./bnr.: Seljord kommune: 8/1, 9/1, 9/2, 9/3, 13 og 9/8.

Naturreservatet dekker eit totalareal på 840 daa. Grensene for naturreservatet går fram av kart datert Klima- og miljødepartementet ... Dei nøyaktige grensene for naturreservatet skal merkast av i marka. Knekkpunkta skal koordinatfestast.

Verneforskrifta med kart blir oppbevart i Seljord kommune, hos Statsforvaltaren i Vestfold og Telemark, i Miljødirektoratet og i Klima- og miljødepartementet.

§ 3 Vernereglar

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande vernereglar:

1. Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp medrekna lav eller deler av desse frå naturreservatet. Planting eller såing av tre og annan vegetasjon er forbode.
2. Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
3. Det må ikkje settast i verk tiltak som kan endre naturmiljøet, som til dømes oppføring av bygningar, anlegg, gjerde og andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkleidningar, bygging av vegar, drenering eller anna form for tørrlegging, uttak, oppfylling og lagring av masse, utføring av kloakk eller anna form for forureining, etterlating av avfall, gjødsling, kalking eller bruk av kjemiske utryddingsmiddel. Forsøpling er forbode. Opplistinga av tiltak er ikkje uttømmende.
4. Bruk av naturreservatet til større arrangement er forbode.

§ 4 Generelle unntak frå vernereglane

Vernereglane i § 3 andre ledd er ikkje til hinder for

- a. sanking av bær og matsopp
- b. jakt og fangst i samsvar med gjeldande lovverk
- c. felling av store rovdyr i samsvar med gjeldande lovverk
- d. vedlikehald av eksisterande bygning på gnr./bnr. 9/8 i samsvar med standard på vernetidspunktet
- e. beiting
- f. utsetting av saltstein

- g. brenning av bål med tørrkvist frå bakken eller medteken ved, i samsvar med gjeldande lovverk
- h. oppsetting av mellombelse, mobile jaktårn for storviltjakt
- i. forsiktig rydding av småbuskar og kvist i samband med storviltjakt

§ 5 *Regulering av ferdsel*

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a. Motorisert ferdsel på land er forbode, medrekna landing og start med luftfartøy.
- b. Sykling, ridning og bruk av hest er forbode utanom eksisterande vegar og stiar.

§ 6 *Generelle unntak frå ferdselsreglane*

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, samt gjennomføring av skjøtsels- og forvaltningsoppgåver som er bestemt av forvaltningsstyresmakta. Unntaket gjeld ikkje øvingsverksemd.

Ferdselsreglane i § 5 annet ledd er ikkje til hinder for

- a. naudsynt motorferdsel for uttransport av sjuke og skadde bufe. Køyretøy som nyttast skal vere skånsamt mot markoverflata. Det skal sendast melding til ansvarleg oppsyn for verneområdet i forkant av køyring
- b. nødvendig uttransport av felt elg og hjort med lett beltekøyretøy som ikkje set varige spor i terrenget
- c. landing og start med Forsvaret sine luftfartøy

§ 7 *Spesifiserte dispensasjonsreglar*

Forvaltningsstyresmakta kan etter søknad gi dispensasjon til

- a. istandsetting, vedlikehald og skjøtsel av kulturminne
- b. tiltak i samband med forvaltning av vilt
- c. naudsynt uttransport av felt elg og hjort med andre køyretøy enn lett beltekøyretøy som nemnt i § 6 andre ledd bokstav b
- d. oppsetting og vedlikehald av gjerder
- e. merking og rydding av nye stiar
- f. avgrensa bruk av naturreservatet for aktivitetar nemnt i § 3 andre ledd bokstav d
- g. naudsynt motorferdsel i forbindelse med aktivitetar etter § 4 bokstav d, e og f og § 7 bokstav a og d.

§ 8 *Generelle dispensasjonsreglar*

Forvaltningsstyresmakta kan gjere unntak frå forskrifta dersom det ikkje strir mot føremålet med vernet og ikkje kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det nødvendig, jf. naturmangfoldloven § 48.

§ 9 *Skjøtsel*

Forvaltningsstyresmakta, eller den forvaltningsstyresmakta bestemmer, kan setje i verk tiltak for å oppretthalde eller oppnå den natur- eller kulturtilstand som er føremålet med vernet, jf. naturmangfoldloven § 47.

§ 10 *Forvaltningsplan*

Det kan utarbeidast forvaltningsplan med nærare retningsliner for forvaltning av naturreservatet. Forvaltningsplanen kan innehalde nærare retningsliner for gjennomføring av skjøtsel.

§ 11 *Forvaltningsstyresmakt*

Miljødirektoratet fastset kven som er forvaltningsstyresmakt etter denne forskrifta. Miljødirektoratet kan delegere styresmakta til kommunar som samtykker til det.

§ 12 *Ikraftsetjing*

Denne forskrifta trer i kraft straks.